



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Joannis Maurittii Gudeni Historia Erfurtensis Ab Vrbe  
Condita Ad Reductam**

**Gudenus, Johann Moritz von**

**Erfurti, 1675**

XXX.

**urn:nbn:de:hbz:466:1-11903**



*Deditionis  
leges.*

*Erfurtenses  
per Legatos  
deprecantur.*

*Ipsè Elector  
urbem ac-  
cedit.*

abrupta sunt : † Civitas Electoris, Principis sui clementiæ se dederet, Cyriaciburgum & duas portas Brületensem ac Krempherianam, usq; dum de urbis securitate, de custodia pro libitu dissoneret Elector, traderet, reliquæ non nisi ruricolis aperirentur. Religionis libertas jam olim promissa libera, & citra molestias esset. Prædellius & Legati Electorem placerent, ne pœnas à civibus, aut bonis eorum exigat. Rustici ad prædiorum culturam ex urbe dimitterentur. Exclui à gratiæ legibus, qui præ cæteris in Cæsaream Majestatem, in Electoris eminentiam peccaverant. Hæc leges per Deputatos Urbis † Regis-Curiam delatæ, atque præmissâ flexis genibus deprecatione Principi Electori exhibitæ sunt. Rati habuit Elector Legatorum pacta, utque apud Cæsarem Erfordia expiaretur, sibi curæ futurum promisit, his quoque gratiam sponndit Elector, quibus Legati negaverant, eandem ut Cæsar largiretur, se laboraturum: Expensas belli quantumvis ingentes, non ex privatorum bonis, ut ob delicta posset, verum Universitatis sumpturum.

**XXX.**

Acta hæc Regis-Curiæ sexto decimo Octobris, unde Elector cum integra Aula Erfurtum movit. † Cum propè Urbem venisset, ab universo exercitu armis, & trina machinarum explosione salutatus est, iisdem vallum intonuit. Cives arma deposuerant, quo minus exacti tumultus imaginem Domino exhiberent. Electorem Magnatum ingens numerus omnis ordi-



ordinis & dignitatum stipabat. Isto pompe ordine Urbem ingressus est, quæ felicitas à duobus sæculis Majoribus negata. Occurrit in vestibulo Mariani templi Clerus, brevi oratione de prosperè gestis, de adventu gratulatur. Postea ad ipsam Ædem deductus Elector, ubi Ambrosianus hymnus decantabatur. Inde Monasterium S. Petri, solitam Electoribus Sedem conscendit. † Confestim Senatus portarum claves obtulit.

*Claves portarum oblatæ.*

XXXI.

Prima de occupatæ Urbis regimine cura, quomodo & scopuli veteres caverentur, & communis boni tutela firmaretur. Visum † sucto olim Jurejurando subditos obstringere. Convocati in majore foro cives, Elector in latioribus gradibus sub umbella holoserica stetit. Senatores propius, reliqua multitudo per forum erat diffusa: Ibi in genua devoluti, quæ peccaverant hætenus, deprecati sunt. Elector clementiam Regis-Curiæ promissam uberius spondet. Singuli Civium secundum regiones, & tribus, stipulatâ manu obedientiam Electori promissere: † Ii qui extra portas habitant, tumultuum Rei, per libellum Electori innocentiam suam proponebant: Fateri se, quod motibus immixti, imò in tumultu primi fuerint, aut ex alieno hoc delicto non suo evenisse: calliditate imperantium se circumventos, qui simplicem multitudinem ad tegmen

*Homagium præstitum.*

*Excusatio suburbano-  
rum.*

*Electoris  
Clementia.*

Emi-